

Partido Raiz ta pidi pa transparencia riba maneho di medio ambiente

Continuacion di Pagina 2

Aunke Raiz ta pone un enfasis basta grandi riba e aspecto medio ambiental cu nan petition den cuadro di transparencia, nan ta señala tambe na diferente estudionan unda por mira cu e impacto riba comunidad di bin cu mas hotel ta mucho grandi pa carga. Sea pa gobernacion of a costo di aspectonan social, Raiz ta pidi pa bin cu un moratorio riba hotelnan. Segun sr. Lee, 'esaki no ta solamente Raiz ta pidi pe. Nos por mira cu e tin sosten di comunidad riba medionan social y di comunicacion, pues nos ta haci esaki no solamente pa nos votadonan pero tambe pa comunidad en general'.

Raiz ta referi na un estudio di

oficina di turismo (ATA) titula 'Cu mira pa futuro', unda personanan cu a participa cu e estudio aki pa gran parti ta opone mas desaroyo den sector hotelero, cu excepcion di 'boutique hotels', di 10 pa 100 camber den area di San Nicolas of otro areanan.

Esaki ta coincidi tambe cu e mocion entrega pa parlamentario Daphne Lejuez (MEP), unda ta pidi pa bin cu un moratorio temporario riba hotel, cu excepcion di e tipo di hotelnan aki.

Aunke Raiz mes no ta contra tur tipo di desaroyo, nan ta haya cu mester bin mas sondeo pa haya sa 'unda nos ta awo y unda nos kier bay prome cu nos pensa di sigui desaroya mas hotelnan'.

